



02




RARE BOOK ROOM

after the ... of ...
 ...
 ...
 ...
 ...
 ...

Davis &
Wright
Sept 3








IO.
MERCERII
I. C.

TAB. DATA

Quoyr. sculpsit



44
ILLVSTRISSIMO VIRO³
LVDOVICO CASTRÆO,

BARONI DOMOFORTIANO, CATA-
phraetorum equitum cohortis
praefecto. Io. Mercerus

S. P.



*VTVRVM non putabam (illu-
striß. (Castræ) vt in publicum prodi-
rent quæ per intermissionem grauior-
um studiorum composita olim à me
Emblemata in iustum volumen ex-
creuerant; cum forte obtigit qui ea
in as incideret, & suere qui digna luce arbitraren-
tur, atque vt ederem iure quodam suo postularent.
Illius ergò vsus opera, & horum voluntati obtempe-
rans partem emitto manu. Partem inquàm: neque enim
cum plura sint, qui faciendus est sumptus, nunc diuul-
gari plura patitur; licet abundè suppetat otium, &
suppetat inuito etiam. Ecquid inuito? dices: An num*

A ij

id vltro exoptandum fuit veterano iuris professori?
Fuit; modò cum dignitate. Expectabam id certè, ac
merebar nisi valdè mihi Suffenus sum, cum in geren-
do per biennium eo cui nunc maximè vrbs nostra inni-
titur & plenam fidem habet, Magistratu, non mi-
norem in contemnenda hominum leuissimorum con-
tumelia, quàm in conseruanda bonorū ciuium tran-
quillitate spem triumphi sequutus: tum in Roma-
nis legibus per annos viginti interpretandis, si non
eximia, saltem mediocris eruditionis, & quod vnum
prædicare licet, summæ diligentie ac integritatis lau-
dem consequutus. Vtroque excidi: Et spe illa trium-
phi, qui parum memores officij ac promissi experior
etiam sui, à quibus referendam gratiam boni & cor-
dati omnes palàm profitentur; & laude ipsa, qui
eo tempore quo maximè illustris industria mea esse
poterat (fatis functo cuius doctrina totum orbem
peruagata est, iuris antistite, quo maiorem nec tu-
lerunt ante, nec post latura sunt secula, Ia. Cuiacio)
inglorius & obscurus lateam. Non mihi (ne quid
tale cogites) vt Themistocli quondam Milciadis, ali-
cuius

cuius trophæa somnum excutiunt: Longè sum ab ambitione omni. Sed hoc identidem obuersatur animo, αἰχμήν τινα: Nosti cætera. Quicquid sit, hoc constitutum: cauere ne qui ante γράφεις post ἀδελφεὺς fiam. Ferale id quod indictum est iustitium seruabo quādiu honestè licebit; sicubi dabitur publicè prodesse, sicubi fas erit, rationem habebō & honoris mei, & incolumitatis meorum; quæque in nauigando ars maxima (nam & vita omnis nostra nauigatio quædam est, inter spem & metum posita) si portum tenere non possim, tempestati obsequar, quo fata communia trahent sequuturus. Interim videbo ne languescam, ne torpeam, & ita reponam otium, vt etiam eius fructus aliquis esse possit. Primus hic quem vides: exiguus ille quidē, sed quem alter maior proximè sequatur. Hunc primū tibi do, dico, dedico; quia eo dignus visus es, qui bellandi sandique potenti patri similis filius (quo ipso cæteræ nobilitati longè antistas) prælia musis tēperas, & quod de magno Imperatore Burdigalensis poëta,

” Quantum cessat de tempore belli,
 ” Indulges variis media inter castra camænis.

Alterum tota Gallica nobilitas feret, vt habeat if
quando ab internecino quod geritur bello. requies de-
tur, quo ruri se exerceat cum vtilitate simul ac honesta
voluptate. Problemata sunt Geometrica, tanta facili-
tate expressa, vt qui vel solas literas sciuerint, cum
Archimede possint contendere. Vt etera mihi ea studia:
Iis adolescentiam imbui; eadem per annos quin-
que ac viginti, eoque amplius, omissa, idonea visa sunt
quibus senectutem oblectarem, meque communibus
arumnis affectum, imo afflictum, & nisi Deus bene
adiuuet, planè prostratum, consolarer; quibus denique
serias occupationes dispartitis horis leuiores facerem.
Dum id opus mature scat, quod ad extremum prope ad-
ductum est, hoc pignus habe. obseruantia in te tuosque
mea, quam vt debeo, ita colam quoad viam constan-
ter, & religiosè. Bene vale, & me, quod vnum faciam
plurimi, bene ama.


Auarici Biturigum: Kal. Maij.

anno 1592.

BELLO ÉOVE AC PACE POTÉVS



ET SPOLIUM VICTI VICTRICIAQVE ARMA: SOPHOCLES
QVOD DEDIT AGNOMEN, CEDAT APOLLO DECET.



Nec versare pilam didici, nec ludere disco,

Nec lassum pictus recreat alueolus:

Nec cubi iactu, nec risu letor inani,

Nec varius mimo gestus agente placet.

Segnitia inde reus vos postulor inter, amici:

Absoluar, causam dicere si liceat.

Temporis est cum quid reliqui post seria; vates

Versibus impendo, pictor imaginibus.

Respirare Ceres si me permittat alumnum,

Antiqua emeritum Phæbus ad arma vocat.

Desidis hoc opus est? causa cecidistis, amici:

Ocia non segnem scilicet ipsa probant.



RELIGIO
MAXIMA

NON AVSI ATTRECTARE
VIDENTEM.



RELLIGIO SOLA EST QVÆ
MAXIMA REGNA TVETVR.

Lumine dum valuit, media quod fronte gerebat
 Qui Siculo Cyclops littore pavit oves:
 Viribus, & iustis vicinos terruit armis,
 Saevus in externos, mitis in indigenas.
 Quàm mutatus ab hoc! nil non metuēsq̄, timensq̄,
 Cecus Pigmæis luditur hospitibus.

Huc intende animos caput orbis Francia; de te
 Fabula: Quid frontem contrahis? historia est.
 Relligio & pietas (quo solo lumine constat
 Publica res) cura dum tibi vera fuit;
 Nil Germanus eques contra, nihil ausus Iberus,
 Et nihil à niveis insula dicta iugis:
 Delectata nouo cultu, ciuilibus armis
 Cedis, & à proprio milite diriperis;
 Quique à te accepit quondam, Saxo, Danus, Anglus,
 Heluetius, tibi nunc iura daturus adest.
 Ocius antique repetas præcepta parentis,
 Vt redeat splendor qui fuit ante tuus.

6 NVSQVAM CONVENIENT.



VEL NVLLA, VEL VNA
IN POPVLO RELIGIO EST
SEMPER.

*Villicus agresti tauro coniunxit asellum,
 Ut ferro intactam sollicitaret humum.
 Hinc boue, & inde asino cultrum rapiente priorem,
 Pingue solum sulcis finditur imparibus:
 Maxima pars inarata iacet, quam vomer acutus
 Prateriit, segeti pars minus apta sata.
 Qui varios cultus in regno iungit eodem,
 Ut plures careant religione facit.*



POST BELLV M TAN LONGA
 MANET.

QVIS I LOCVS I ARMIS?



POST BELLVM PAX LONGA
MANET.

Et galea, & denso plastes thorace Mineruam
 Contegit, atque armis ornat vtramque manus;
 Pacis amans docto celebratur carmine vatum:
 Versibus an terra est maior habenda fides?

Et plaste fingunt, & scribunt vera poëta:
 Namque sequi bellum pax diuturna solet.

ALITER.

Casside operta caput, pectus thorace, patrima
 Quæris spectator quid sibi virgo velit.
 Lancea inest manui dextra, clipeusque sinistra:
 Belligeram ista probant arma fuisse deam:
 Pacis ei inuentum (dices) tribuere poëta,
 Nota ex Cecropiis manibus historia.

Conueniunt satis hæc: Longi post damna ducti
 Plurima, secure tempora pacis erunt.

DIFFVSVM TOTO CORPORE
VVLNVS HABET.



SEQVITVR SVA POENA
SVPERBOS.


*Agnoscis tandem nimis audax Martia, quantum
 Cedat dulcisonæ tibia rauca lyra:
 Et quo tu insipiens certasti pignore, musis
 Judicibus pellem victor Apollo refert.*

*O vtinam qui se stulti sapientibus æquant,
 Exemplo possint velle pudere tuo.*



ALTIORUM CENSURARUM
 C

VSQVE SEQVENTVR.



VLTIQ CERTA MANET
SCELERI.

*Æstate vt media volucris bos percitus æstro,
 Quem cornu aut fisso pellere calce nequit,
 Diffugit, & passim stimulis exterritus, omnes
 Vicino effusos orbe pererrat agros:
 Sed quoquo excurrit, multus circumuolat hostis,
 Vulneraque in cæco pectore cæca parat.*

*Frustra quis refugit celestis numinis iram,
 Persequitur vindex crimina nota deus.*



SOLE MOKI TIRIOM ALOS

NON CVRAVERE NEPOTES.



SOLA MORI NESCIT VIRTUS.

Archimedis corpus, tornato illustre cylindro,
 Et sphaera circis nobile, marmor habet:
 Vrbe Siracusia fuit hoc nil clarius olim,
 Nunc densis tectum vepribus obruitur.

Turpis & insana est praestantis cura sepulchri,
 Virtus pro tumulo sit sua cuique suo.



OTIA SI TOLLAS PERIERE
 CAPIDINIS ARTES. C. iij

RECTAM FINXERUNT PRIORES.



OTIA SI TOLLAS PERIERE
CVPIDINIS. ARTES.

*Cuius imago Dea es? pueri sum mater amoris:
 Cuius opus? sculpsit docta manus Canachi.
 Qua ratione sedes rectam simulachra priorum
 Cum faciant? segnis res mihi grata quies,
 Otia grata mihi: Quò te male suada voluptas
 Non vexet rogitas? res age tutus eris.*



COMPESCENDA LIBIDO: SED
 LINGVA VITIUM MIVS

NIL TURPE LOQVENDVM.



COMPESCENDA LIBIDO: SED
LINGVÆ VITIUM MAIUS.

*Ori admonens dextram, pudendis alteram,
Dum dormit Anacharsis, manum:
Cohibere linguam, et improbam libidinem,
Sed maximè linguam, docet.*



QVOS DECVIT SERVARE
NECAT.



SCELERATI PRINCIPIS
ARTES.

Q

Hæc vetus est veteris diuorum patris imago,
 Qui natos auido deuorat ore suos.
 Tempus edax rerum, & nimium inuidiosa vetustas,
 Omnia consumunt: μυθολογία placet.
 Et pater est populi cuius moderatur habenas
 Princeps: Vis scire ut fictio conueniat?
 Δημοβίρος βασιλεύς ab Achille vocatus Atrides,
 Quod grauibus Græcos flecteret imperiis.



VT CERTA SE...
 PRVARI...

FERRE IUGVM NESCIT
HONESTVS AMOR.



VT CERTA SEMPER PACE
FRVARIS, AMA.

*Penniger, imberbis, veste orbis, lumine cassus,
Præcinctus phætris, robore deficiens.*

*Talis amor veterum monumentis pingitur, ille
Quem peperit Marti Cypris amata suo.*

*Alter is est, cuius contraria prostat imago;
Quem Venus, & Veneris filius odit Amor.*

*Non pennis celebris, nec cursu præpete clarus:
Testudo est tardum quæ vehit axe deum.*

*Non puer est: mento barbam qui gestet opacam,
Et cuius cani tempora sacra tegunt.*

*Non nudus: fidi vestitur pelle molossi
Pectore in aduerso, cætera vellus habet.*

*Non oculis captus, nec vitta obductus inani:
Aspectu Lynxem qui superare potest.*

*Non grauis est iaculis, nec tenso nobilis arcu:
Pacis amans ocea fragmina dextra tenet.*

*Non infirmus: habet magnas in corpore vires,
Atque omnes, vincti nescius ipse, premit.*

*Hoc spectes veri laudandum exemplar amoris,
Vt sint quos sanctè sanctus amare scias.*

CEDVNT QVI ANTE
COLEBANT.



VVLGI INCERTVS AMOR.

*Dum stetit alta, altis quondam radicibus hærens,
 Nullius est quercus saucia facta manu:
 Nunc Boreæ aduerso prostratam flamine, multus
 Succidit multis viribus agricola.*

*Si fortuna suis opibus tua vota secundet,
 Præsto aderit tibi plebs obsequiosa nimis:
 Sin contra imminuat tua cæpta potentior hostis,
 Damni aliquid metuens, oprimet insidiis.*



VACVAM ALTER HABEBIT.



IVS DICENS PARTI FACILEM
SE PRÆSTET VTRIQUE.

*Aurem vnam auctori princeps qui commodat equam,
Atque aliam palma comprimit opposita:
Hoc præstat, ne sit facienti crimen inultum,
In fontes purgent scommata falsa rei.*

*Iustitiam quisquis populo impartitur, & iram
Sistat, & iniustis temperet à lacrimis.*



INDIGNVS HONORE
SEPVLCRI.



A VIRTUTE ANIMVS MAGIS HAVD
RE ABDVCITVR VLLA.

*Quod mortuos exenterent Ægyptij,
Et ventre proiecto foras,
Inane pingui corpus imponant rogo,
Lectore credant marmorj:
Ventrem esse maximam scelerum causam docent
Quæ quisque vitius perpetret.*





MAIORES FECISSE NOCET.

Vitem humilem tenuis firmatam robore pali,

Excoluit multos villicus iste dies:

Postmodo vicina sociavit ineptus oliuae,

Maioris fractus praemia parta putans:

Illa sed excelsum ramis complexa cacumen,

Immensa cepit luxuriare coma:

Destitit agricola elatam compefcere ferro,

Vt sint facta eius vota caduca vides.

Quae densis olim pendebat onusta racemis,

Nil acinos praeter, granaque rara gerit:

Ornavit quondam fecunda pocula mensae,

Iam iam cornices nutrit & erithacos.

Sic vestro (reges) ditati munere, quorum

Personat antiquum fortia facta genus:

Dum scurris faciles, faciles consortibus adsunt,

Nulla vos dominos utilitate iuvant.

DEBVERAS FECISSE PRIUS.



MVTATIO DVRA SENECTÆ.

*Quod facit annosam qui plantat villicus vlmum;
Hoc faciunt senibus qui dare verba solent.
Arbor mutata nusquam tellure virescet;
Atque habitam seruat quo fuit ante senex.*



PARTE LABORE VENIT
VIRTUS.

HOC SINE NIL POSSVNT.



PARTA LABORE VENIT
VIRTVS.

Herculis ara, ter atque trium simulachra sororum
 Sustinet; huic populus publica vota facit.
 Communis flamen, communia sacra, precesque:
 Quid commune deus quaeso deabus habet?
 Haec studiis praesunt, moderantur & artibus artes,
 Illius immodicus fertur ad astra labor.

Haud facile emerget, quisquis tolerare laborem
 Non poterit: Virtus quaeque laboris eget.



THE MERR
 TAVNS MANS

NVSQVAM INVENIAS.



REM SIBI QVISQVE
SVAM CVRAT.

TYRANNIS

*Quid Cinice accensa collustras lampade, solis
Cum radient medio lumina plena die?*

*Num quis forte hominum tanta regione moretur
Hactenus inquirō, nec reperisse datum est.*

*Cæcus & insipiens, qui tot modo præteris; ecce
Plebs hoc circumstet quàm numerosa foro.*

*Illum vexat amor nimium sceleratus habendi,
Hunc agit ambitio, fraudibus ille vacat.*

Ergo hominem esse putas vitio qui temperet omni?

*Qui propriis præfert publica, solus homo est.
Parce oleo infælix, Phæbi nec abutere flammis;*

*Haud quisquam est tali præditus ingenio:
Tempora forte homines veros transacta tulere,
Sacula vix vllos posteriora ferent.*

NON EST SECURA
TYRANNIS

INTEGRA PARS MELIOR
REMANET.



NON EST SECVRA
TYRANNIS.

Etsi corpus edat volucris quam cepit, & exta;

Cor tamen illa sum deserit accipiter.

Etsi diripiat populi bona cuncta tyrannus;

Vlciscendi animum non tamen imminuit.



A PAPERIS BONA MENS:
HANC DANT SI MENTIS
ROGNANT.

2 TEMPLIUSALVVS IHONOS.



A SVPERIS BONA MENS:
HANC DANT SI MENTE
ROGENTVR.


517

*Ob scelus infandum furiis agitatūs Orestes,
 Errabat variis irrequietus agris.
 Ingressus Phœbi quæ fors delubra patebant,
 Solamen taciti sensit adesse mali.
 Vltrices siquidem steterant in limine Diræ,
 Interdicta quibus sunt sacra templa Deūm.*

*Si quis te genius, vel noxia vexet Erynnis,
 A summo repetas numine tutus opem.*



NIL REVOCARE POTEST.



SPERNIT CONSILIVM LVCRIVM
CAPTATOR AVARVS.

Decidit ecce frequens collectis nubibus imber,
 Perpluitur mediis tardus a sellus agris:
 Non tamen accelerat, nec se committere testo
 Dignatur stabulo, nec tegere arboribus;
 Quin ferulas largo decerpit rore madentes,
 Et dura replet carice corpus iners.

Huic similis verè est, quicumque attentior ad rem,
 Parvi rumores & maledicta facit.



ODISSE FVIT MELIVS.



QVI NIMIVS NON DIV-
TVRNVS AMOR.

*Amplexu catulos suos frequenti
 Stringens Simius enecat φιλάυτος
 Si quid forte voles diu placere,
 Vnum ne placeat nimis caueto:
 Est omne immodicum brevis senectæ.*



UT CAUSA DIES MOR-
 TIS PRELIT.

SIC VOLVERE DII.



VT CAUSA, DIES NOS
MORTIS PRÆTERIT.

*In mediis vates confederat Æschylus agris,
 Velabant canum tegmina nulla caput:
 Caluitie decepta aquila est, dimisit ab altis
 Ostrea uti saxo comminuenda iugis;
 Saucius interiit vates: non vlla iacentis
 Culpa fuit, nec auis crimen in arte fuit.
 Frustra quem insimules: Sensim sua quęque sequuntur
 Fata virum; soli cognita causa deo est.*



IVRE POTEST. NE V AVT.
 VERBIS CONFENDE
 MOLESTIS.

NIL PRÆTER VOTA
REQUIRIT.




IVRE POTES, NE VI AVT
VERBIS CONTENDE
MOLESTIS.

Terminus huic medius media superimminet ara,
 Cui fieri magnum sanguine sacra scelus.
 Victima nulla cadit, nullum ante altare bidental
 Perfusum moritur cornua bina mero.
 Cætera vix aliter creduntur numina flecti,
 Solus de superis vota cruenta fugit.
 Finibus incumbit, fines sine sanguine debent
 Servari, solus quos bene servat amor.



PRÆSTAT SAPIENTIA
 FORMÆ

22
NIL ADDIT HONORIS.



PRÆSTAT SAPIENTIA
FORMÆ.

*Setigeri ex rostro pendet suis annulus, auro,
Et gemma, & doctæ nobilis arte manus.
Absimilis non est mulier quæ pulchra, sed amens:
Quæ male morata est virgo, timenda viro est.*

*Qui nubis, mores non formam vxoris amato;
Nil expers animi forma venusta iuuat.*



QVÆCVMQVE OCCVLTÀ
REQVIRVNT.



NON IMPVNE SCELVS
FVERIT CVIQVAM.

*Quod canis assistat Laribus, quod pelle canina
Induti lustrent abdita quæque domi:
Comprobat esse deo fidos vigilesque ministros
Qui scelera inquirant, obiiciantque reis.*

*Ignotum superis nihil est, præsentia cælo
In terris multos post facienda dies.*



NIL OPTANDVM AMPLIVS.



SATIS EST QVOD VITÆ
SVFFICIT.

*Euentum iste bonum præfert lapis: Isthmius olim
Vulgatum sculptor marmore finxit opus.
Dextra manus pateram splendenti røre madentem,
Spicam, & somniferum læua papauer habet.*

*Vtuntur facili somno, qui ex fructibus agri
Percipiunt, vitæ quod queat esse satis.*



QVOD FECIT, PATITVR.



QVOD TIBI NON OPTES
FIERI, NE FECERIS
VLLI.

*Cum ruit in venerem, tumidum caput inserit ori
Vxoris, coitu turpis Echidna nouo.*

*Sed fœcunda maris satiata libidine coniunx,
Insertum rabido conterit ore caput.*

*Parturit hæc eadem corroso viscere fœtus
Insidiis: proli cedit vterque parens.*

*Natura ius est vt quod quis fecerit vltro,
Posthac inuitus perpetiatur idem.*



NVLLA PARTE POTEST
LÆDI.



TVTVS AB INVIDIA EST
QVISQVIS SE COMPRIMIT
IPSVM.

*Contractis pedibus, longoque Ericius ore;
Spernit latrantes tutus vtrunque canes:
Corpore nam reliquo villis exhorret acutis,
Nec qua parte ferus mordeat hostis habet.*

*Qui primos animi motus ratione coërcet,
Omnem à se sapiens submouet inuidiam.*



ALTER AB ALTERIVS
DISSIDET INGENIO.



NIL GRAVE CONANTI.

*Dissimile hic iter est, & dispare mente viator;
 Plana via vna quidem est, horret at vna rubis.
 Sedulus & sapiens iter aetor laeue frequentat,
 Per sentes quiuis disidiosus agit.*

*Difficile est quiduis nolenti, & adire timenti:
 Sed facit assiduus peruia quaeque labor.*



ARTE SVA PERIIT.



INCUMBAS STUDIIS
FINEM QUI QVÆRIS
AMORI.

*Sola inter superos Ioue nata, libidinis expers
Pallas, & impuri nescia amoris erat:
Hanc quoque, ne probro cæli pars vlla careret,
Inuasit pharetra & fraude Cupido potens.
Illa sed opposito (nil territa) Gorgonis ore,
Vitavit nudi plumbea tela dei.
Versus in authorem furor est, reflexa sagitta
Numinis infecit corda sagittiferis;
Cumque pati magnum non posset vulneris ignem,
Saucius è summo decidit axe puer.

Est infestus amor studiis, sed vincit amorem,
Qui studiis operam collocat assiduam.*

RECVRRET IN ALTVM.



NON FACILE EST CUIQVAM
MORES MVTARE
PRIORES.

*Frustra utrem vento conaris mergere plenum,
Ocius ad summas vsque redibit aquas.
Assuetum vitiis frustra mutare labores,
Natura sequitur semina quisque sua.*



OPERAM CVM DAMNO
LVDIT INEPTVS.



SCIRE TVVM NIHIL EST,
NISI RECTOS CEDAT
IN VSVS.

Ecquæ stultitia est, vt qui se exerceat arcu,
 In silicis vibret spicula crebra scopum?
 Deficiet signum, iaculorum frustra iacebunt,
 Artis & ignarus plurima damna feret.

Non satis est has esse bonas quibus vtitur artes
 Quisque, bonas vsus nam bonus ipse facit.



SOLICITI ESTI
 SORS
 MORTIS

MALVM IMMINET.



SOLLICITI EST REGVM
SORS PLENA TI-
MORIS.

Quid tibi tanta epula? quid tam bene culta supellex?

Quid famuli accincti? quid galeata cohors?

Sursum attolle caput; pendens laquearibus aureis

Imminet en iugulo cuspis acuta tuo.

Est prope ut intereas, seta non ensis equina

Possunt fulgentis pondera ferre diu.

Quid miseri? extremos gelidus tremor occupat artus?


Nunc praefers vita regia sceptrum tuum?

Istud (adulanti Dionysius inquit amico)

Est commune malum regibus, ut metuant.



QVOI PLVRES NVTRIA T.



CÆLITVS OMNE BONVM.

Quæ simulachra vides Pario de marmore, lector,
 Cælestis referunt munera grata patris.
 Cincta dea est mammis plenis, atque vbere multos;
 Qualis quondam Ephefi pulchra Diana fuit.
 Scilicet agnouit proavorum docta vetustas,
 Esse Deum qui nos intus, & extus alat.



INVENTUM A M. J. B. S. P. S. I. N. I. S. T. A. M. P. R. I. S. T. I. N. I. S. T. I. T. U. T. I. O. N. E.

METVAT SIBI CONSCIUS.



INSONTES ETIAM METVS
OPPRIMIT.

*Hyppolitus metuens scelerata falsa nouerca
 Indicia, ipse sibi comparat exilium;
 Conscendit currum, visis in littore Phocis
 Absternatur equus, decidit axe puer;
 Per medios rapitur scopulos, perque inuia saxa,
 Et quæ vitauit crimina, morte luit.*

*Non est quod metuas rumores plebis iniquæ,
 Si quid agas recti conscius ipse tibi.*



OFFICII IMPERATORIS
 PRÆSENTIA SOLA
 CONSERUAT.

SI MOVEAS TOTA
EFFLVET.



OFFICII IMMEMORES
PRÆSENTIA SOLA
COERCET.

*Arentes olitor studiosus vt irriget hortos,
 Summa hydriae obiectu pollicis ora tegit.
 Imus habet rimas, & aperta foramina venter;
 Nec tamen e pleno guttula vase cadit.
 Pollice subducto, largus diffunditur amnis,
 Et vacuum præceps occupat aura locum.*

*Hoc puero præstat præsentis cura magistri
 Vt queat imbibiti dogmatis esse memor,*



SACERDOS
 ERANT IMINA
 QVA SVT VILLOS

AGRICOLÆ CESSIT
MELIVS.



QVÆ SVA SVNT VVLGVS,
TRACTET DIVINA
SACERDOS.

Peram humeris habilem, positis talaribus, Hermes
 Sumpsit, & angusta rexit aratra manus;
 Lectaque mandavit bene culta semina terra:
 Artifici tanto quàm male cedit opus!
 Expectata seges vanis mutatur avenis,
 Frumenti cyanus fungitur alta vicem,
 Hirsutus totos populatur carduus agros,
 Et lolio, & tribulis, fœta laborat humus.

Divini postquam vulgo sunt credita verbi
 Arcana, vna fides cui satis ante fuit.
 Corrupta est veterũ vetus hæc quoque forma sacrorũ,
 Et subiere eius dogmata falsa locum.

M A L O R U M
 M A L O R U M

VSQVE RECVRRET.



NVNQVAM STAT POENA
MALORVM.

*Proditor Æolides mediis rotat ignibus orbem,
 Et graue per flammâs, per freta voluit onus;
 Dùmque putat finem iusso fecisse labori,
 Pondera labuntur viribus ipsa suis.*

*Quicquid viui agimus, post funera plebitur Orcos;
 Vita breuis, pœna nulla futura quies.*



SERVATVS LAVS MAGNA
 P. BOK

VIVERE NON POTVIT
CORRVPTA.



SERVATVS LAVS MAGNA
PVDOR.

*Qui tumultum hunc seruat turtur, candentibus alis,
Signa refert certa certa pudicitie.*

*Hic romana iacet celebris Lucretia fama,
Vim passa à iuncto sanguine Tarquinio.*

*Hoc scelus ipsa, virum, charos testata parentes,
Et testata deos, vltia cruore suo est.*

*Si quæ forte fidem nōlint prestare maritis,
Illarum Cocyx busta nefanda colat.*



SIBI NOXIA SOLI.



INVIDVS IPSE SIBI
DAMNO EST.

*A tygride Hyrcanus pastor conseruat ouile,
Agresti tundens timpana rauca manu.*

*Hæc fera nam sonitu tantas exardet in iras
Ignoto, vt faciat vulnera plura sibi.*

*Æmulus alterius, dum constans laudibus effert
Fama sibi infestum, rumpitur inuidia.*



NE SCIT AMARE TIMOR.

QVID METVS ADMPVERVM?



NE SCIT AMARE TIMOR.

Irati vt vitet patris Medea furorem,
 Absyrti irato traicit ense caput,
 Membraque diuellit, diuulsaque spargit in agros
 Semotos, & qui fratris iniqua soror:
 Vt pater oblitos lacrimis dum colligit artus,
 Et tumulo, & luctu, triste retardet iter.

Qui metuit, generis nullo retinetur amore:
 Sed male parta nimis, parta furore salus.



HOSTILES ANIMOS
 AMICIS HINC



HOSTILES ANIMOS FICTVS
AMICVS HABET.

*Accensis facibus genitor Palamedis, & ultor,
 Ostentans certum pro statione locum;
 In scopulos græcas pellexit fraude carinas,
 Atque nouis omnes perdidit insidiis.*

*Non temere est facili credendum semper amico,
 Promptus amor vulgi, fictus at esse solet.*



IN IUDICIUM FORA ET MENTIS
 CONSTATIBUS ORBIBUS

M ij

NEC VIS, NEC VIRTUS,
REVOCAT VOX IMPROBA
TANTVM.



IVDICIVM POPVLI, MAGNIS
CONATIBVS OBSTAT.

Quantumcumque ferox elephas, superatur ab hoste

Si porcorum acies grunniat opposita:

Fortis Alexander medios penetravit ad Indos,

In festum hac animal classibus arte fugans.

Ingenuos homines sententia plebis iniquae

Vexat, & à rebus distrahit ingenuis.



ANTIOVI IURIS IVONITIA
TEMPE ANDA POTESTAS.

IRRITVS ISTE LABOR.



ANTIQVI IVRIS NVNQVAM
TEMERANDA POTESTAS.

Terrigenae addiderant saxis saxa ardua fratres,

Montibus & montes, & iuga summa iugis.

Vt caelum regerent pulsis caelestibus orbe,

Ignari summos omnia posse deos.

Cum pater altitonans, demisso fulminis igne,

Perdedit, & ceptum debilitavit opus.


Non impune ferent, qui patrum dogmata spernunt,

Et populo obtrudunt iura novella suo.



ERIGE TE
 VANDOS SECTARIS
 HONORES.

PAR ERAT DVM INSTARET
HVMI.



ERIGE TE QVISQVIS
VANOS SECTARIS
HONORES.

*Herculis Antaeus fregit, luditque laborem,
Quandudum terram tangere posse datum est:
Fortibus ut primum est manibus sublatus in altum,
Excessit toto corpore robur iners.*

*Flectere qui mentem cupiet, quam seua libido
Vexat, ab humanis temperet illecebris.*



ADVA RTITOT
MOTITIA ET COMITIA
ET PARTITIA

AVDET. IS, ILLE TIMET.



FORTITER AVDE,
FORTVNA ET COMITEM
SE DABIT IPSA TIBI.

*Extremis asinus dum potat flumina labris
 Lambit, equus totum mergit ab aure caput.
 In studiis vsu venit hoc, quos equus amavit
 Iupiter, ut quisque plus valet ingenio,
 Nullo terretur discrimine, rebus agendis
 Instat, nil impar viribus esse putat.
 Degeneres animos timor arguit, obice paruos,
 Spem consternati funditus abiiciunt.*



TUTIVSÆNMEVERAT
SERVIISSE.



A PVERIS ASSVESCE, SENI
SERVIRE MOLE-
STVM EST.

Hinnulus, excusso domitore, effrenis in omnes

Effusus circum fertur anhelus agros,

Et sese cursu nullo cogente fatigans,

Vires ipse suas turpiter imminuit.

Libertate vti qui primis nescit ab annis,

Ipse sibi certum comparat exitium.



SANA MENS SANVM
RATIO MODERATA
MEMORIAM

SACRVM COMMVNE
DVOBVS.



SANA MINVS SANVM
RATIO MODERATVR
AMOREM.

*Mercurium & Venerem communis sustinet ara,
Constantis referens symbola coniugij.
Namque iugalis eget compto sermone voluptas,
Nec diuturnus amor qui ratione caret.*



NON EST IN VERTERE
MORS QVOD
HONESTA

ULTIO CERTA MANET.



PRÆFERTVR VITÆ TURPI
MORS QVÆVIS
HONESTA.

*Arbore frondosa tectus venator, in Vrum
Tela iacit longè viribus inferior.*

*Saucius iste nemus totam percurrit, vt hostem
Interitus vindex opprimat vsque sui.*


*Sin spes deficiat, patulas impingit in alnos,
Seque furens propriis viribus interimit.*

*Hoc animi est fortis nihil vt patiatur inultum,
Vir bonus impatiens criminis esse solet.*



ARBITRARI
CIVITATE

QVID TVMVLVS VIVO?



SCRIPTA VEL IPSA DO-
CENT NON POTVISSE
MORI.

Cuiacij est tumulus viri ornatissimi,

(Viator isthuc respice)

Diruere quem tres de nouem sororibus

Certant, graui conamine.

De litteris male meritum ideo ne putes;

Musis fuit charissimus.

Quid igitur, inquires, monumentum vt destruant,

Æternitati creditum?

Ad mortuos sepulchra: mortuum negant,

Per ora qui viuat virum.

Et ipse tumulum viuus extruxit sibi,

Ærugo quem nulla exedat:

Professus artes omnigenas, sed maximè

Iuris vtriusque peritiam;

Conscripsit omnibus referta volumina,

Tumulum futurum mortuo.



Phœbus & alma Ceres de me certamen inibant,
Cum studiis addi vellet vterque suis.
Illustret leges, inquit Saturnia, per quas
Non minimo patria claret in vrbe loco.
Versibus exornet musas, contra infit Apollo,
Artis quicquid habet musa latina dedit.
Intercedo Diis magna certantibus ira,
Ore fauete (inquam) numina sancta precor:
Sedulus amborum faciam rata vota sacerdos,
Præstabit donis author vterque suis.
Describam inuentum non festis iura diebus,
Diuæ, tuum; festis carmina, Phœbe, tuum.
Otia si solitum nequeant superare laborem,
Æquabunt Diuæ ne Deus inuideat.

Placuit enim...
 Cum...
 Illius...
 Non...
 V...
 Inter...
 O...
 Sed...
 Pra...
 De...
 Di...
 O...
 F...

70











